

2016 九龍東立法會選舉

社區起義 港人話事!

11

立法會選舉九龍東候選人

陳澤滔



社區關注組
東九龍



#ALLinHK

陳 是誰？

澤 滔

陳澤滔

三十一歲，
東九龍社區關注組發言人，
主題公園工程師。



從素人到候選人

2014年7月2號，我參加咗第一次嘅社運，喺遮打道預演佔中俾人拉咗。之後寫咗篇叫《511分之1》嘅文，估唔到原來四千幾字嘅長文都有人睇，好多嘅留言令我明白到，香港人唔係港豬，只要你真心為香港付出，香港人係睇得見㗎。

其實呢兩年嘅社運界，最感慨嘅，未必係政府嘅無賴，反而係非建制陣營內嘅爭執。我相信原本只係路線之爭，但你鬧吓我，我鬧吓你，鬧到最後根本唔再係講道理，連少少討論嘅空間都無埋。

我今日企出黎，係因為相信好多香港人唔希望再停留喺呢啲爭拗，大家只係想自救。與其再停留喺網上嘅爭吵，不如落手落腳去做。

我同東九龍社區關注組呢兩年做過嘅嘢，一直貫徹緊呢個宗旨。我哋响社區留低嘅每條腳毛，都係為咗打倒保皇黨為咗香港人嘅幸福而做，唔係得個噏字。今日我參選，就係想同大家一齊贏返個未來返嚟。





東九龍
社區關注組

是什麼組織？

東九龍社區關注組

雨傘革命之後，我哋一班高登仔成立咗『東九龍社區關注組』，走入社區嘗試自己出一分力去改變香港。其中搞得最成功嘅就係反對觀塘海濱音樂噴泉行動。我哋希望社區資源可以用返去改善醫療、交通等等九龍東比較嚴重嘅問題，而唔係浪費去起大白象工程，所以我哋日以繼夜擺街站收集居民簽名，最後足足收集咗10,000個實體簽名，一年來先後約見過各立法會議員進行遊說，而音樂噴泉最後亦都係泛民議員協助拉布下，暫時喺立法會財委會被拉倒咗。

抗爭唔應該只係喺民間，所以上年我哋參選區議會選舉，成功喺樂華北贏得一席觀塘區議會議席。嚟緊嘅立法會選舉我哋希望再接再厲，打入議會，令議會更加多在地市民嘅聲音，令議會抗爭更加多元化。

希望大家相信我哋呢班年輕人。



反對觀塘海濱音樂噴泉簽名行動
相片來源：獨立媒體網站



反對觀塘海濱音樂噴泉簽名行動



於曉光閣曉明閣停電期間，阿滔借充電池街站



黃子健向區議會提交觀塘區巴士路線計劃報告

政治光譜



政治光譜

【獨立自決】



1997年香港被回歸以嚟，各種我地引以為傲嘅，包括法治制度、語言文化、言論自由及民主精神等急轉直下，一國兩制根本係一場騙局。嚟到呢個階段，我哋需要思考香港嘅出路應該如何取捨。我哋支持香港獨立，但我哋更希望同香港人一齊討論『獨立』或者其他可能性，為自決公投創造民意基礎，為香港搵一個更好嘅未來。

—— 香港未來出路 ——

一國一制

大家唔會想香港大陸化

歸英歸美

英美無責任照顧香港，
既然自己香港自己救，
何必要依賴其他人

一國兩制

被中共破壞，已名存實亡

獨立

唯一方法令香港真正
由香港人話事

香港嘅未來，我哋要開始思考、討論，
香港嘅未來應該由香港人自決

綱領



政治綱領

社區起義 港人話事!



地區工作，唔可以只係蛇齋餅糶，更要比服務街坊做得更多。我哋期望嘅地區工作，係將政治生動化、趣味化，將民主嘅觀念帶入社區，用容易入口嘅方法去令大家關心政治。

今時今日仲有人會問「民主是否靈丹妙藥？」呢個問題其實正正反映咗香港人從來無感受到民主嘅好處。政治本來就係生活之事，與其故作高深，要市民依賴議員，不如著重社區參與，令居民明白民主嘅重要性。咁先可以真真正正做大個餅！

上年我哋曾經做過一個狗公園嘅諮詢。我哋做咗一個公園嘅模型，居民可以自由設計公園嘅草地面積，設施擺位等等。一齊思考，一齊參與，亦都可以了解其他人嘅說法。



觀塘海濱花園泡泡樂（冇噴泉一樣可以好開心）



制作狗公園模型向居民諮詢意見



政制

- 就爭議性議案進行公投(參考底頁：代議士角色－議題公投)
- 立法會、行政長官全面直選
- 捍衛「高度自治」、自由、公義、廉潔、法治的社會
- 捍衛新聞自由、言論自由、示威集會自由
- 反對就基本法第23條立法



公共運輸及地區發展


• 重新審視起動九龍東計劃

九龍東工廠大廈一直係創業同文藝團體追逐夢想嘅基地，但政府推出「起動九龍東」計劃盲目將工業區變成商業區，令租金上升，變相逼遷。政府亦無仔細考慮交通配套，本身已經不堪負荷嘅九龍東交通必會百上加斤，令人擔憂。

- 反對興建高鐵、三跑等大白象工程
- 興建東九龍沿海單車徑(油塘 - 觀塘海濱 - 郵輪碼頭 - 黃埔)



- 重整巴士路線，減少九龍東路面交通壓力
- 繁忙時間重開汽車渡輪
- 修訂港鐵可加可減機制
- 回購西隧




【勞工】

• 落實標準工時

你上一次同人講夢想係幾時？喺香港要追夢唔易，所以我哋好少問自己真正要啲咩。小朋友1個月上足7個興趣班，大朋友1日返足13個鐘頭，每個人嘅價值就只係一堆數字。你唔係無理想，你只係連諗自己個理想嘅時間都無。我哋提倡落實標準工時，家庭可以有更多時間相聚，打工仔可以發揮一直被壓逼嘅創造力，同時推動消閒產業，令香港人可以有更多時間享受生活。

////////////////////



- 每年調整最低工資
- 增加勞工假期，與公眾假期看齊
- 推行7天男士有薪侍產假
- 恢復僱員集體談判權
- 取消強積金與長期服務金對沖，規限管理費





醫療

改善醫療配套及關注長遠規劃

觀塘區人口老化嚴重，但九龍東只得一間急症醫院同幾間公營門診，無政府營運牙科專科，老人院舍、老人外展服務亦唔足夠。急症求醫輪候時間可以長達八個鐘；專科門診排期經常無限延長，新症至少要等一年。更大問題係無急性心臟外科、腦外科等等大型創傷醫療專科配套，如出現緊急情況，都只可以轉送去其他醫院。我哋要求政府喺政策層面去改善各種漏洞。

增加本地醫生學位及公營醫護人員數目

九龍東現時專科門診 穩定新症輪候時間

耳鼻喉科	眼科	婦科	內科	骨科	兒科	精神科	外科
88星期	112星期	108星期	103星期	133星期	24星期	98星期	89星期

- 反對公營醫療私營化，要求增加醫療撥款
- 增加非本地居民醫療收費
- 改善急症室等候時間資訊發放
- 成立獨立醫務投訴委員會，縮短投訴處理時間





科技

• 版權條例修訂

政府曾於今年年初將版權條例修訂案(「網絡 23 條」)交到立法會闖關，我哋雖然認同版權條例有更新必要，但前題係必須符合下面三大原則：

- 1) 方案內嘅豁免條款必須使用更為開放嘅「用戶衍生 UGC」或「公平使用 Fair Use」
- 2) 民事豁免必須加上「豁免凌駕合約條款」(Contract override) 嘅條文
- 3) 必須清楚列明「不誠實使用電腦罪」並唔適用於版權法

我哋聯同其他傘後公民團體，曾分別約見商務及經濟發展局局長蘇錦樑、知識產權署署長梁家麗、及所有政黨嘅立法會議員，遊說同施壓，最後成功將條例拉倒。目前條例的確落後於國際，所以我哋寄望政府嘅新立法年度，能夠接納我哋建議，先做好向公眾解釋政策嘅工作、了解並紓緩民間憂慮，再行立法。



- 政府服務電子化，並加入政府機構實時回報服務等候時間系統
- 改善政府網頁及手機應用程式質素





資源及環保

• 興建海水化淡廠，減少依賴東江水

香港依家只係依賴一個地方去提供水同電，如果中國嘅水電設施發生意外，七百萬人嘅生活將會直接受影響。要降低風險，保障生活必需品嘅供應穩定，我哋必須提高香港水、電、農業嘅自給率，長遠向自給自主嘅方向發展。

- 支持本地農業 / 天台農業 / 水耕，提高香港糧食自給率
- 訂立樹木法，規管樹木管理
- 資助發展本地回收業及再造業
- 保護郊野公園，禁止開發高保育價值的土地




人權

• 為性傾向歧視及同性婚姻立法

Love is Love. 香港係公平公義嘅社會，只要無妨礙到他人，每個人都有權利選擇自己未來。我哋義無反顧支持同性婚姻及捍衛同志平權。保障同性或跨性別人士嘅社會不同範疇都免受歧視或差別對待。

- 訂立《檔案法》和《資訊自由法》，確保政府資料有制度地公開，禁止任意銷毀檔案
- 改革監警會，賦予主動調查警察的權力，阻止警權過大的情況惡化





■ 動物 ■

• 在各區設置寵物公園

香港好多家庭有養寵物，但寵物生活環境同配套設施就唔太友善，例如有唔少公園係唔俾動物進入。我哋倡議喺各區嘅大型公園，都必須設置符合一定面積比例嘅寵物公園，等寵物可以喺裡面自由自在咁奔跑同休息。至於一啲熱門寵物散步路線就要增加基本配套，例如寵物廁所。我哋希望可以建立一個人類同寵物都舒適自在咁生活嘅共融城市。



寵物公園意見收集街站

- 加重虐待動物刑罰
- 設立動物警察
- 鼓勵領養，寵物零買賣
- 增加導盲犬訓練及相關支援





入境

• 非本地人在港留學的時間不計入7年居港時間內

香港嘅大學招收唔少外地學生，嚟自中國更佔大部分。現有條例下，外地學生喺香港讀書時間，會計入申請香港永久居民7年留港要求，即係讀完幾年學士、碩士已經幾乎達到要求。唔少呢類個案，更只將香港當做出國嘅跳板，唔會留低貢獻香港，浪費香港培訓人才嘅資源，外國亦好少會有咁唔合理嘅安排。

• 奪回單程証審批權

香港人應該要奪回自己嘅內地移民審批權，咁樣先可以為香港嘅未來訂立個長遠嘅人口政策。當審批權喺其他人手上時，香港嘅福利、經濟、教育等等各方面上都會處於被動，香港人嘅利益，亦更加難被保障。

- 申請永久居港人士需通過考試 (基本粵語、繁體字、英文、基本香港文化及歷史)，證明可融入香港環境
- 申請居港人士需通過資產審查，證明來港後不依賴福利收緊一周一行，杜絕水貨客





■ 福利 ■

• 落實由庫房承擔、可實現財富再分配的退休保障制度

退休保障嘅理念，係為咗可以回饋返曾為香港付出嘅市民，令佢哋可以過一個有尊嚴嘅退休生活，所以我哋反對政府以8萬元作為資產上限呢個極高門檻嘅方案。目前70歲以上人士雖然可以領取高齡津貼（生果金），但金額只有1,290蚊，究竟可以幫補到幾多呢？

退休保障本身係一個政府對佢人民嘅責任，理應由庫房負責，為此額外嘅庫房開支，我哋主張：

//////////////////// 額外庫房開支來源 //////////////////////



增加盈利超過一千萬企業嘅利得稅率



提高薪俸稅標準稅率，對年收入超過一百七十萬嘅人徵收富人稅，因為賺得愈多，對社會嘅責任應該愈大



反對轉移打工仔嘅強積金至退保基金，因為強積金每月供款有上限，變相收入愈高供嘅百份比愈少，係一種不公義嘅累退稅，等同向基層及中產開刀



- 提供新婚貸款/補貼(結婚前1年，後2年內)
- 提供生育津貼(比子女免稅額，可更直接得益)



土地及房屋

徵收房屋空置稅

住屋係生活必需品，唔係商品。咁多年嚟香港住屋問題越趨嚴重，租金樓價節節攀升，但政府只用「土地問題」去呃香港人。其實香港約有6萬個空置住宅單位，所以我哋主張要徵收房屋空置稅，減少投機者只買不住。

發展棕地（已開發的閒置土地），訂立土地空置稅

同時，我哋亦應該發展棕地同空置地皮，訂立土地空置稅，打擊地產商囤地自肥。本土研究社調查發現，全港共有約有1192公頃嘅棕地，假設二十分一用於興建公營房屋，已可提供8萬多#個屋單位。要令租金同樓價下調，必須雙管齊下，先至可以減輕市民生活負擔。


全港棕土分佈

（以公頃計）

共1192公頃




現時棕土一般僅用作



#以啓晴邨佔地面積與單位數量比例估算

- 增建公屋單位，加強關顧長者、青年、單身及受重建影響的申請人，並給予香港居民優先輪候，同時加強打擊濫用公屋
- 檢討舊區重建安置及補償安排
- 有條件回購領展，不再出售房委會新商場，阻止外判街市予不良經營商
- 支援大廈業主立案法團的成立及運作，加強打擊圍標
- 嚴格規管施工物料質量，保障市民健康及財產
- 興建更多安老院舍及長幼共融屋苑





文化



• 檢討保育政策，提升古物古蹟辦事處法定地位

比起世界外地，香港文化保育政策一直遠遠落後。喺經濟發展面前，文化保育都係被犧牲；但呢個唔係零和遊戲，我哋相信兩者之間有可以雙贏嘅平衡點。舉個例子，可將舊屋改造成民宿；將有歷史意義嘅街道變成老街，或開設社區市集，推廣歷史文化。咁就可以推行保育嘅同時，同時又帶嚟直接經濟收益以及其他嘅好處。

近年香港開始多咗新嘗試，如青衣戲棚、美荷樓青年旅舍等，我哋希望政府能夠提升古物古蹟辦事處嘅法定地位，根據專業判斷去強制保育有文化價值嘅建築，帶頭推廣本土文化產業。

- 香港熱線：參考瑞典做法，邀請香港市民成為接線生，向外地人提供地道資訊
- 增加資助本地藝術創作
- 開放更多免費場地予藝術家表演及展覽之用
- 參考台灣經驗，推廣夜市文化

體育

• 增加運動員生活津貼

香港不乏有實力嘅運動員，無奈好多都因收入不足，要放棄成為全職。我哋會要求政府增加運動員嘅經濟及職場支援，亦會推動更多商界贊助(可以退稅)，令運動員可以無後顧之憂，專注訓練，全力發揮。

• 引入更多系統化的訓練支援運動員

改善本地運動員的青訓系統，為青少年運動員提供更多學業及訓練上的支援

- 加強協助退役運動員的就業發展
- 興建更多開放予公眾使用的體育場地
- 打擊炒賣公共體育場地
- 港台電視頻道直播本地體育賽事





經濟

• 提供全面創業支援

我哋提倡引入外國流行嘅『共用工作空間』概念，提供一個互相攤分租金嘅辦公場地俾有意創業嘅朋友使用，等大家可以互相交流心得同合作。場地仲可以提供營商法規指導，以及幫手牽線天使創投基金，為有潛質嘅創業計劃提供全面嘅支援。



相片來源：The Startup Grand Line 網站

共同工作空間好處

等唔同嘅創業家用平價租用工作空間

交流創業心得同經驗，喺唔同行業知識中碰撞花火，搵到新嘅商機及創意

提供行政同法律支援，等佢地唔使盲中中四圍衝

搵埋天使創投基金，定期聽取創業計劃，主動為有潛質嘅計劃提供資金

- 支持多元產業經濟模式，發展科技、工業、社會企業及創意文化行業
- 加強對金融、旅遊業及零售業以外行業的支援





■ 教育 ■

• 取消小三全港性系統評估(TSA)

教育嘅意義，係去引導每個人獨立思考，活出屬於自己嘅精彩人生！我哋會努力改變只着重分數、忽略全人發展嘅教育制度，而第一步就係爭取廢除小三 TSA 考試，避免無謂嘅試題操練，還學生一個愉快童年。

- 加強托兒服務，支援雙在職家庭
- 取消小學普教中，讓學生更容易表達及理解課堂內容
- 限制內地學生與在非本地學生比例
- 支持大學國際化，立例避免招收過多來自相同地方的境外生
- 增加政府資助大學學位
- 加強規管專上教育，確保專上教育質素
- 保護大學自由自主，反對特首兼任校監
- 反對洗腦，永久廢除國民教育，維護學生獨立思考空間
- 取消十億元「一帶一路」獎學金，用於資助藝術教育
- 初中香港史獨立成科，增強學生對香港的認識和歸屬感



代議士角色

議題公投



現代代議士制度嘅一大弊處就係選舉過後，議員同民衆完全脫節，民衆連自己支持嘅議員嘅取態都無辦法影響到。民衆覺得無力同事不關己，自然變得更加政治冷感。

我會製作一個手機應用程式，俾公眾就重要或有爭議性嘅議案投票，然後我會**完全按照公眾嘅投票結果**喺立法會內投票，而過程中我會盡力說服公眾認同我嘅立場。

我希望藉着呢個民生議題公投系統，做到幾個效果：

- 俾民衆睇到自己一票嘅影響力，鼓勵大家多留意同參與社會事務
- 凝聚一個清晰嘅民意，俾政府及其他政黨參考，甚至構成壓力
- 從實踐中，培養公眾對自己嘅決定負責任嘅意識，以便喺終極嘅香港前途公投作出正確抉擇

請支持東九龍社區關注組，
報名成為義工！

義工報名聯絡方法：
電話：5935 8482 /
facebook message



東九龍
社區關注組

f 黃子健區議員辦事處 Q

f 東九龍社區關注組 Q

#AllInHK



東九網址